

僊居縣志

地

233.87

39

240.193

39

19



光緒僊居志卷二十一目錄

古蹟志中 金石上

吳越俞讓墓誌 周顯德元年

宋遇明禪院碑 景德二年

薛之彥題名 嘉祐四年

沈紳題名 嘉祐

題名殘刻 熙甯十年

林放菴誌銘 政和元年

南宋折桂里三大字碑 紹興五年

萬松菴井闌題字 興紹三十年

光緒僊居志卷二十一 目錄

仙居重修學記 乾道六年 文已附學校此惟書題篆及年月姓名

仙居創學糧記 乾道六年

仙居登科題名碑 乾道七年

龍圖閣直學士吳芾神道碑 淳熙十年

吳機井闌題字 淳熙十六年

仙居縣修學記 嘉泰三年 文附學校此惟書題目年月

吳芾賜謚勅牒碑 嘉泰三年

仙居縣進士續題名碑 開禧元年

狀元里三大字碑 開禧元年

郭晞宗墓碑 嘉定二年





光緒僊居志卷二十一

古蹟志中

金石之學始於宋而盛於今自阮文達輯兩浙金石志由是東西十一府皆有專書而台州金石錄則臨海諸生黃瑞子珍實司纂輯雖一人之見聞容有未備而其大者已無遺矣今取其書所載仙居金石孰文碑目釐為二卷而間正其譌謬以為考古之助其後得者則別詳於補遺云

金石上

吳越俞讓墓誌

石高二尺三寸八分廣二尺三寸文三十行行字三十五六七八不等正書徑八分在臨海縣西

十里松山今歸仙居陳氏

光緒僊居志卷二十一

古蹟

金石上

一

大吳越國匡時勵節功臣台州教練都知兵馬使羅城四面都巡檢使銀青光祿大夫檢校刑部尚書上驍衛將軍兼御史大夫上柱國俞讓墓誌

將仕郎秘書省秘書郎賜緋魚袋崔鐸撰

夫達邦家者非仁與義則外無能而處焉 將軍德行立身遐齡給背八十有三本出冀州河間郡鄴縣都仁鄉平相里 唐初龍驤將軍法才公任台州刺史於今三十二代孫也 先考大夫諱亮居常州無錫縣西一十七里祖墓相繼數代羊碣猶存旋遇仕馬離鄉乃投就浙東壬午年則服戎提戈承事 太祖武肅王定亂江東隨郡牧駱團太保却復台州營卜第宅



於開元寺之街西自天祐年中吳越已來四五

朝帝累沐

國恩轉職授官至叨優卹仍加功臣賜褐衫火珠腰帶并及金銀器皿者 將軍先娶太原王氏夫人門閭簪裾迴懷令問育三男二女年六十有八早遇殂變長男彥璋上軍討擊副使拱宸侍衛□副兵馬使充台州水軍都將銀青光祿大夫檢校國子祭酒兼御史大夫上柱國及 宣賜褐衫粟面金火珠腰帶先娶徐氏年五十七禍遘衰疾□一孫仁安娶黃氏代父職任副兵馬使殿直都副將充水軍都將知省造舡務銀青光祿大夫檢校太子賓客兼侍御史上柱國有女孫二人長適潘仁□少適孔仁福俱從職掌次中男彥球第二台州軍事押衙充

光緒僊居志

卷二十一

古蹟

金石上

二

一

廂虞候自丙申至辛亥年疊蒙 睿慈遷轉職階兼賜褐衫及粟面金火珠腰帶充上軍兵馬使衙內管當直都副兵馬使銀青光祿大夫檢校國子祭酒兼御史大夫上柱國續至甲寅年蒙 聖恩宣差使賞制并朱記二枚補充教練使羅城四面巡檢使審著勤勞不起疚瘵令代父員位新婦蔣氏閨戶肅雍育孫數人一男仁昇軍事押衙勾當省夾禮酒坊務銀青光祿大夫檢校太子賓客兼監察御史第二男仁福軍事押衙勾當東酒坊務銀青光祿大夫檢校太子賓客兼監察御史上柱國第三男仁祚軍事押衙充當直都隊將知省迴厝庫務銀青光祿大夫檢校太子賓客兼監察御史上柱國餘孫卽未守職女孫



三人並適徐氏盧氏皆居將校將軍次男彥迴第三軍事押衙  
充廂虞候銀青光祿大夫檢校太子賓客兼監察御史上柱國  
嫡女二人長適衙內副兵馬使呂氏次適知省迴曷庫務盛氏  
並列家風文武不墜子孫翦盛禮士侍賢在處輸機濟益軍幕  
崇構精宇齋供高僧艘艦應官金湯匝郡廻曷雖設於上方  
上供曾計之巨万嗚呼奈何久淹風急壽終遐齡尋乃錄表奏  
聞便一宣賜祭筵兼頒賻贈等光九族之顯榮啟手足日  
悲哽道途吁嗟鄰里以顯德元年甲寅十月十日甲寅宅兆  
於臨海縣興國鄉浮江嶼裏東山保塋近先妻王氏夫人之墓  
禮也遂立其誌故形斯文

光緒僊居志

卷二十一

古蹟

金石上

三

銘曰

功業智遠力作義舟艱歷富貴榮協公侯名于兩浙家立丹丘  
接下承上肥馬輕裘葬禮浮口郡西十里旌旒宛約祭奠迤邐  
親聚戚哀慶積善美勒石貞珉人生已矣

案碑咸豐間出土居民取以落麥仙居陳羽樵見之購藏

於家王倬雲上舍藻以搨本見示因箸於錄

宋遇明禪院碑

碑額不計高四尺八寸廣二尺八寸五分額篆書永安縣遇明禪院碑八字分四行直徑四寸

八分文二十三行行三十六字正書徑一寸三分在仙居縣東二十里三學寺

皇朝遇明禪院碑銘

大宋台州永安縣遇明禪院碑銘 并序



開元寺重脩二口蓮社沙門願鴻撰

門弟子講

經律表白僧慧月書并篆額

聖上御極之六載 大禮奉於南郊

皇靈闡於區外光

昭 乃祖化被萬方其仁如天其智如神醴泉朱草金牛

玉馬其皆不取但小大之政不失其職斯所以為天下瑞故

勛華之風可以平捐繇是

垂衣端拱功成不伐唯善其脩以及四海是歲

詔下有司乃曰

朕聞道釋之教歷代欽

奉元資大政可福黔黎遂

勅下以戒籙廣度則知 聖心無為而無所不為矣下民

光緒僊居志

卷二十一

古蹟

金石止

四

被其化皆能有志是用獻贊

我后之鴻祚也

或鷺池仙苑金刹奈宮其在必青永安遇明院者即

梁

朝西仁寺也居州之西北七十里天監二年奉

勅之所

建也地分牛宿境占神臯前枕寒谿後連翠竇桃源天姥頂湖

括蒼烟霞一開遠近如畫項斯之宅可尋也麻姑之峯可登也

甘露絕名又何讓也洎 元帥王之有國因改西仁為遇明厥

後納版圖於

朝斯院則關乎能者而董正之太平興國六祀邑人□□□□

□□□□八保戶人繫狀於

縣以命沙門文

遂而主之師端靜澹素抗節有聞奉道之餘植福多勇咸平癸



卯歲鼎新紺宇事從典制義取規舊非務華好飾之越度也雲  
廊月殿像閣經齋方丈法堂三門庫院內不備焉信士濟南林  
承皓贊以成之遂師復置東臯南畝以實常住延浮杯之侶待  
挂錫之賓曉月開經香芬玉篆秋林出定苔封石牀瑞鹿眠花  
幽禽背雪陶彭澤若聞應到賈長沙如在合來澗雲起而野色  
侵燈山雨至而松風入檻誰言諸子不解髻珠斯所以克荷真  
宗越揚大教佛法流慈澤永潤枯根冥簷荀優曇長敷後菜銘  
曰

大宋撫運 承宗紹組 昭格仁孝 光業文武 其一

富壽蒼生 基本皇極 乃廣法教 爰奉道釋 其二

光緒僊居志 卷二十一 古蹟 金石上 五

民祝于天 載葺鹿園 遇明昔者 西仁寺焉 其三

紺宇凌雲 禪宮聳日 立雪傳衣 昇堂入室 其四

平接寒谿 高連邃谷 晴霞忽開 翠屏滿目 其五

功之匪騫 利其斯久 資國與民 天地不朽 其六

時景德二年歲次乙巳七月十有五日 汝南周口同勾

當建立 清河張祚鐫字

兩浙金石志右碑在仙居縣今爲三學寺願鴻文頗新穎所  
謂前枕寒谿後連翠竇曉月開經秋林出定澗雲起而野色  
侵鐙山雨至而松風入檻竭盡瞿曇幽寂之致赤城志巾子  
山巔有息庵元祐中願僧所棲今廢



案赤城志三學寺在仙居縣東二十里舊名西仁吳越時  
改遇明國朝景德二年改今額据碑即立於是年七月仍  
稱遇明禪院則額未嘗改康熙仙居志以為乾道中賜今  
額者近是康熙府志仍赤城志舊文誤同据此可正願鴻  
文本齊梁慧月書摹銀柳皆卓然可傳阮文達謂北宋僧  
統正脈不似南渡後爭看花捧鼓者良然文達兩浙金石  
志載是碑欽奉譌致奉大政譌大此載青譌載膏今依原  
碑正之又碑中桂錫當作挂錫不朽當作不朽其枕作枕  
侵作侵冀作翼揖作捐葺作膏亦別體岡古文岡也

宋薛之彥題名碑

碑高 尺 寸廣 尺 寸 分在仙居縣

字正書徑 寸

分在仙居縣

寸廣 尺 寸四行行五

光緒僊居志

卷二十一

古蹟

金石止

六

縣令薛之彥

田至此宋

嘉祐四年

八日題

案嘉定赤城志秩官表仙居縣令題名有薛之彥嘉祐四  
年任五年罷

宋紳沈題名

刻高 尺 寸 分書徑

尺 寸

寸廣 尺

分在仙居縣

洞

天巖摩崖

七字八

嘉祐歲除戊申都

官員外郎沈紳公



儀遊洞天巖

兩浙金石志案紹郡志有宋贈少師謚文肅沈紳墓在會稽雲門山引沈氏家譜云紳字公垂宋寶元元年進士此題則字公儀公垂唐李紳字也又紹興府學進士題名碑寶元元年呂溱勝載之

案嘉祐是宋仁宗第九改元起丙申迄癸卯凡八年此題不紀某年而獨詳月日另一例

宋題名殘刻刻高 尺 寸廣 尺 寸三行行六字八分書  
徑 寸 分在仙居縣洞天巖刻在沈紳題名之右

熙甯丁巳季

光緒僊居志卷二十一 古蹟 金石上 七

五〇〇〇〇〇〇〇〇

案右題名三行共十四字漫漶八字兩浙金石志并入嘉祐沈紳題名條非是攷熙甯是神宗紀元丁巳乃十年上距嘉祐末年癸卯已十四年其為兩人兩時所題無疑今析出之

宋林放墓誌銘碑高八尺廣四尺額行楷書宋林達本墓銘大字橫列徑大寸三十一行行字上下俱泐不計行書徑一寸在仙居縣東門外山麓

宋故林君達本墓誌銘

〇〇郎

左 譽 選



○仕郎

米友仁書并題蓋

闕口上闕五字

太學生林君達本以高才力學為友輩行

所推許今試於□□□宜闕時人之賢者交口相慶為得人譽

於是益信鄉先生長者之言為不虛闕遊見其負奇闕之愈久

愈知其不可及大觀三年冬譽歸自京師聞君以其年十一月

十有闕造其堂而哭之弔問諸孤詢其屬續之言凜然如平生

其孤植泣曰不幸先人去世今奉窆宥有期銘先人宜闕已行

□□屬譽為銘以□□銘其敢辭□□惟林氏史□未□亡所

攷君諱放達本其字也世為闕皆有隱德弗仕□□□君□君

以□□過合之仙居□慕佳山水買田築室而家焉始為仙居

光緒僊居志卷二十一古蹟金石上 八

闕不及闕六字往應闕四字矣君少敏悟才智過人

年十有三歲闕此奇童也異時必顯比長於書無所不觀於文

無所不工自是為賢士大夫所□推闕自闕八字

其□吾闕大字今親又逝祿弗逮之雖仕何為乃謝去

弗闕人闕十二字而已□□之闕七字

奉身之具闕又闕者有求

悉赴闕然開講陳書□經千卷自魏晉以來闕繼乃闕八字

人無遠近敬服皆闕五字之不以□闕皆君力

也君性坦易與物無迕□御童婢不失聲色及士有貶□□□

闕朝廷以三舍法貢士君曰吾老矣不能用遣子姪就選各□



□□後有闕者□與稱邑人無巨細□□君君闕不仕□□□  
之闕入字

言是闕豈敢任之闕十字

吾不□□縣強之弗起□違其闕又闕  
十四字

欲君之□□□□知其不可闕又闕  
入字

敬□之□眾異其言未幾果得疾乃草遺訓百餘言闕四  
字

闕外闕九字  
笑□□而逝享年五十有五

配葉氏有賢德子男四人長曰植□□□闕次曰闕十字

三曰□□四曰士□女四人長適進士黃□□□

次適陳□二尚處孫男女各十人以政和元年葬闕開元鄉桐

林之原有詩千首文集二十卷藏於家君天性純美又與道適

光緒僊居志闕卷二十一古蹟金石上九

文無陳言詩與字有唐人風闕七字  
內典□□之千

闕□可□元豐間在太學與一時名士游後廿年有同舍郎致

身於政府者每以詢君君聞之終不以爲□闕嗚呼士失所守

實不足以配名義不足以勝利久矣觀君所爲有其實而辭其

名厚於義而薄於利□闕之闕四字  
之日家無長物也其庶

幾古之得道者與銘曰

清秀之氣 天地所珍 鍾爲異稟 世能幾人

猗歟達本 得之者多 與世不偶 吁其奈何

德也宜壽 詎謂嗇之 嗟爾有位 莫或及之

有蘄者子 百世厥祀 想君平生 又焉憾矣



莫高匪山 莫浚匪源 有幽斯銘 君封勿干

案碑為左譽撰米友仁書并題蓋政和元年立洪氏倦舫  
碑目定為大觀三年非也碑泐過半撰書銜名僅存左字  
米字結銜郎字仕郎字及米下數字初搨伸紙時水痕未  
乾波磔猶隱隱可辨嘉定赤城志林放字達本元祐中將  
上禮部以親死廬墓側後築草堂於東山隱焉大觀中詔  
求入行縣欲以放應詔放不懌去之二十里左譽銘其墓  
今碑中譽名凡三見赤城志左譽字與言臨海人大觀三  
年進士終湖州通判互詳後佛窟山塗田記張丑清河書畫舫米友  
仁襄陽人芾之子字元暉小字虎兒以父恩補官終兵部

光緒僊居志 卷二十一

古蹟

金石止

十一

一

侍郎辭藝能世其家書史會要稱其或作斜弩之筆一字  
皆成橫欹今睹此碑可謂知言康熙仙居志誤放為訪并

據米字遂謂丞相米芾立碣表其墓

案芾官止禮部員外郎大觀元年卒下距

政和改元立碑

始未深攷者矣碑今可見者君諱放達本

其字世為處之麗水人

五字據林處士墓隸補

君以□□過台之仙

居買田築室家為少敏悟才智過人於文無所不工大觀  
三年十一月卒年五十五配葉氏子男女各四人孫男女  
各十人以政和元年葬於仙居縣開元鄉桐林之原有詩  
千首文集二十卷藏於家今邑志僅載其東山贈琴僧二

詩蓋亦吉光片羽已

又案嘉慶甲戌季夏裔孫林孫枝往東嶺展墓見豐碑屹立荆棘中因手



搨以歸今從其傳  
錄本補正數處

南宋折桂里三大字碑

碑高五尺一寸廣二尺八寸正書折桂里三大字字徑一尺四寸左年月一行

正書徑二寸五分右年月一行正書徑一寸八分在仙居縣西二十里開元鄉田間

紹興五年五月口日文林郎知縣林師蘇立口口口書

折桂里

成化四年戊子歲十二月吉旦文林郎知縣程仝重建

案右碑光緒庚辰冬仙居王澂軒茂才鎮藩搨贈嘉定赤

城志折桂里以吳給事芾兄弟子姪相繼擢第而名又人

物門吳謙建炎二年李易榜進士吳芾紹興二年張九成

榜進士吳詠紹興五年王應辰榜進士是碑即立於五年

光緒僊居志

卷二十一 古蹟 金石上 十一

當為芾兄弟中第而名其子姪登第尚在乾道以後陳氏

殆亦未見此碑耳

宋萬松菴井闌題字

刻高一尺四寸廣一尺二寸四行行五字正書徑一寸七分在仙居縣東鄉夏閣應

皆紹興三十

年歲次庚辰

三月二十二

日僧蘭公立

案仙居志僧行機字蘭堂

赤城志作簡堂未知孰是

能詩精戒行與妙

機齊名人呼小機疑即其人曰蘭公者殆其徒所題歟

宋仙居重修學記

碑高六尺五寸廣三尺九寸額篆書仙居重修學記六字三行直徑六寸八分記二十四



行行三十八字正書徑一寸在仙居縣學宮

### 仙居重修學宮

乾道六年二月十有一日左廸功郎台州仙居縣尉兼主簿主管學事余闕記義陽汪武書延陵吳浚篆額□□□右右文林郎台州仙居縣丞主管學事李廷傑

案碑文磨滅證以創學糧碑蓋同日立其撰書篆額銜名亦同乾道四年留令立賢脩學事嘉定赤城志康熙府志並漏載仙居舊志云乾道四年令留立賢脩之令庠士王居中郭晞宗董其役時吳公芾守當塗助三百緡規制始備余闕志誤為之記即此碑志令題名留立賢乾道三年

### 光緒僊居志

卷二十一

古蹟

金石志

十二

任葺學宮尉題名余闕乾道四年任進士題名吳浚字達仲謙之子登紹興二十四年進士終南外睦宗院教授其署延陵蓋舊望也丞李廷傑亦見舊志乾道五年任瑞安孫太僕衣言曰余闕永嘉人隆興癸未第見萬厯溫州志進士題名又按樓攻媿集宋晉之墓誌闕字光遠與攻媿同舉進士

### 宋仙居創學糧記

碑高六尺九寸廣四尺五分額篆書仙居創

學宮學糧記六字三行直徑七寸記七行行三十

八字字徑一寸捐助銜名六列列首六行二列三列各四行四列五列各三行六列二行字大小不等並正書在仙居縣

### 仙居創學糧記

庶下



仙居創學糧記

仙居縣學蓋基於皇祐初密學陳公襄也繼政賢令因而增貢  
士風益盛不幸中更有小其隸籍之人□□□□取其田而鬻  
之學遂廢歲一星終三衢留公立賢宰是邑起廢作新首以學  
廩不足經慮時閣學知事吳公芾守當塗聞其議率先助三百  
緡眾迺翁從專以廣膏腴然經營孔艱視曩日□□□之一□  
□□民田記諸籍使後人以意會不敢鬻庶幾乎存半之意學  
成既有以誌其事□□□者□樂□□□□惡得沒其美爰鑿  
諸石以俟續廣之來者乾道六年二月十有一日左迪功郎台  
州仙居縣尉兼主簿主管學事余閱記義陽汪武書延陵吳浚  
光緒僊居志卷二十一 古蹟 金石止 十三

篆額

計開

沈將仕□田下闕

姚秘校漁下闕

羅秘校阜下闕

縣尉簿余閱助月俸

吳提舉洪助田壹拾貳畝右第一列

吳承奉從周田貳畝

楊秘校晞震貳拾阡

林秘校密田壹畝貳角



應秘校奇 闕 右第  
二列

林承信愔伍拾阡

柴秘校燧伍拾阡

郭秘校凱貳拾阡

葉承事 闕 右第  
三列

郭廸功晞宗田貳畝貳角

顧秘校 闕

李秘校朝卿 右第  
四列

沈秘校 闕 伍拾阡

季秘校安 闕 叁拾阡

光緒僊居志 闕 卷二十一 古蹟 金石出 十四

吳秘校洎 闕 右第  
五列

柯將仕敦禮 田壹畝壹角 闕  
錢壹拾肆阡

胡秘校拱辰田壹畝 闕 角

案右碑陰刻乾道七年進士題名記別著錄是記後列助  
田銜名凡二十一人縣尉余闕外餘皆邑產名泐者五人  
今可攷者吳洪康肅公芾次子奉直大夫江西提舉見嘉  
定赤城志吳芾科名下吳從周字伯文芝之孫淳祐七年  
特科終朝請郎見仙居志林宓見周必大嘉泰二年仙居  
脩學記及仙居志主學題名郭晞宗字宗之淳熙五年進  
士終瓊莞安撫司亦見赤城志吳洎芾四子承奉郎永康



丞見朱子吳芾墓誌銘吳作吳貳作貳或作貳畝作畝皆  
當時俗省體

宋仙居登科題名碑

碑高五尺廣三尺六寸額籀書仙居登科  
題名六字平列直徑八寸分上中下三列

上列記文二十四行行九字字徑一寸中列題名二十六行  
下列題名十九行字徑八分並正書在仙居縣學宮

仙居縣志

衣冠題名非止為鄉里榮觀亦寓勸焉仙居地隘民朴其初學  
而仕者蓋少 皇祐中陳襄密學宰是邑興學尚士人始知勉  
由賢書登名者比相望其小試州縣者率皆有聲而得志以顯  
者又以材業剛正名于時里人矜耀之家激以勸每三歲大比  
之士甲於丹丘屬邑令尹趙公良臣尉簿余公閱篤意縣庠廢  
光緒僊居志卷二十一 古蹟 金石止 十五

修弊革凡學之事一新顧惟題名未立無以彰往勸來迺訪諸  
邑老次第其登科之先後而鑱諸石其以材武舉者亦參著其  
間庶於教之事為備乾道七年三月十九日左修職郎添著充  
台州州學教授葉秀實記邑子王如愚書直學王居中立石上

政和五年 何卓榜

蔣旦 第四甲

應灌 第四甲

特奏名

孟灝



宣和三年 何渙榜

范 醅 第五甲

建炎二年 李易榜

吳 謙 第五甲

紹興二年 張九成榜

吳 芾 第四甲

紹興五年 汪應辰榜

吳 詠 第五甲

紹興二十一年 趙遠榜

陳 庸 □ □ □

光緒僊居志 卷二十一 古蹟 金石止 十六

紹興二十四年 張孝祥榜

吳 浚 第四甲  
謙之子

特奏名

應 權

武舉

鮑惟幾

紹興三十年 梁克家榜

王 若 第五甲

李 由 第五甲

武舉



鮑惟時 右中列

隆興元年 木待問榜

應振 第四甲權之子

李遂夫 第四甲由之子

陳澤 第五甲

武舉

童熙

乾道二年 蕭國梁榜

應策 第五甲

武舉

光緒僊居志 卷二十一 古蹟 金石止 十七

高選

東必定

乾道五年 鄭僑榜

吳津 右從事郎第二甲帶之子

吳驥 第三甲詠之子

特奏名

陳愿

武舉

蔣碩

金駒 右下列下



案右碑据王子莊孝廉藏本著錄篆額書丹均有法度政  
和五年特奏名孟灝赤城志誤顓康熙仙居志作蔣灝注  
云舊刻誤未詳所据紹興五年汪應辰榜汪赤城志誤王  
宋龍圖閣直學士吳芾神道碑碑上截已失下截又裂為三今  
存高約六尺廣六尺三寸五十分  
一行行一百一字正書徑七  
分在仙居縣西鄉后里吳

額闕

闕 □□新江西□路提點刑獄公事朱 熹 撰

闕 兼管內勸農營田使□□□湖南路安撫司公□馬步

軍都總制金華縣開國男食邑三百戶潘 時 書并題

光緒僊居志卷二十一 古蹟 金石上 十八

蓋

淳熙十年夏六月□□龍圖閣直學士通奉大夫臨海郡開國  
公食邑二千四百戶致仕吳公薨于台州仙居縣湖山私第之  
正寢訃聞

天子閔焉 詔有司以光祿大夫告其第如故事冬十月癸  
酉嗣子津等葬公石井中與之原既畢事將考令式勒文螭首  
顯誦公德傳之無窮乃相與謀使仲子洪以及公門生臨川太守  
陳侯庸之狀來即建安山中請其文於熹熹竊聞之當紹興之  
季年

天子憤戎敵之憑陵痛神人之羞辱慨然有意收用耆俊以遂



中興之烈其所引拔以爲諫諍論議之官者多得直諒敢言之士而吳公者又其偉然有聞於時者也迨其晚歲竟以剛鯁不得盡行其志退而老於湖山之下極登臨游泛之樂者十餘年天下莫不高之而其所立之詳世猶有未悉聞者幸今有碑以詔後世是筆所屬可非其人欲謝不能則又顧念在以使事過公里門公聞其來野服藍輿出見邀於湖上延坐與飲論說平生俯仰感慨遂以身後之傳爲託於時謂公特戲語耳不敢承亦不敢辭今雖極自知其不稱然昔旣不及辭於公今又安得辭於公之子耶乃考臨川之狀以次其事如左公諱芾字明可世爲仙居人上世隱德不仕至公大父贈武畧郎諱允昭光緒僊居志卷二十一

古蹟 金石上

十九

一

始教子孫爲學而公與從兄詠謙遂連取科第及公至大官而贈其父諱師錫至光祿大夫母鄭氏臨海郡夫人公幼莊重嶷然如成人讀書刻苦至忘寢食登紹興二年進士第始爲温州樂清尉瀕海細民以負販魚鹽爲生業屬更定法有私以鹽越境者尉皆劾免旁縣跡捕紛然公獨若不聞曰此貧民之失業者吾其忍以一身之病而愈蹙之耶大治學宮聚其秀民子弟教之其後人材輩出有以直言冠多士爲名臣者更調平江府錄事參軍除詳定一司勅令所刪定官遷秘書省正字始公與秦丞相檜有舊至是秦已顯政事士夫趨附者衆公處其間獨退然如未嘗相識者公坐旅進寒溫而已秦固已疑之會四川



宣撫使鄭公剛中薦公自代其狀謂公雖適效一官而高遠之度常若趙適秦見之愈不樂一日語公曰高自標置是豈長者之爲乎諷言者論罷之差通判處州事歷佐婺州紹興府檜死乃得知處州未行丁外艱服除知常州又改處州始至諸邑以例獻錢實公帑公曰縣經賦猶不足而欲以此自媚得毋病吾民乎盡斥還之民舊苦丁絹重公命損之而以新丁補其額人以爲便踰歲以憂去而諫官何溥薦公材中御史命免喪入對卽除監察御史時金亮將渝盟公勸

上專務脩德以服之彼以其力我以吾德則雖彊弱之勢不侔而勝負之形已見顧今誠能毋以敵之進退爲憂喜毋以事之光緒僊居志卷二十一 古蹟 金石上 二十一

綏急爲作輟每下 詔令必務痛自悔咎延見羣臣必使力陳闕失隱之心而悉有合於天地發之政而盡無愧於祖宗則人心悅服天亦助順矣

上聽其言顧而嘆曰何溥知人哉未幾除殿中侍御史會兩淮戰不利人情恐懼廷臣爭陳退避之計公獨奮然請對曰今日之事有進無退進爲上策退爲無策若誤聽此屬之言臣恐士氣衰竭人心沮喪大事去矣有如

六飛未遽行且以建王爲元帥先往撫師其亦可也

上然之未及發而亮已被屠中原遺民日望王師之至公數奏請乘機會決策親征速圖進取既



上至建康公又言金陵自古英雄以爲帝王之宅矧今北土之人謳吟未改旣聞  
大駕臨江此必延頸舉踵以望振拔宜  
遂 駐蹕以繫人心

上已開納會有密啟還東者事下侍從臺諫集議以聞公曰今欲控帶襄漢引輸胡廣則臨安不如建康之便經理淮甸應接梁宋則臨安不如建康之近議者徒以一時 扈從之人內顧思歸故爲是說以悅其意豈爲國計者哉過聽其言臣恐

回鑿之後西師之聲援不接北土之謳吟絕望非細事也然時上下欲歸者眾公言雖苦竟不能奪天下至今惜之高麗船主詣明州自言其國願得遣使入賀 詔將許之公言高麗

光緒僊居志

卷二十一

古蹟

金石止

二十一

一

與金人接壤爲之役屬無故有此安知其不爲問乃 之是時

詔卻

天子臨御旣久專以文德厚下故其末流下吏奉承不無因循之弊公於是抗疏力陳更化之說欲以救時病彊國勢又言欲求死節之士於倉卒之時不若進剛直之士於閒暇之日去歲兩淮望風奔潰曾無一城能拒守者此秦檜壅塞言路摧折士氣之餘毒也能反其道則士氣日振而見危致命者亦有人矣至於廟堂不守詔條以啟僥倖 扈從官吏無功受賞大將失軍長吏失守未正刑典戍役方還復行揀點以動眾心凡事有不合於理不便於時者無不悉實盡言補助爲多薦周操陳



良翰陳良祐爲御史後皆以諫諍顯在職才半歲用事者惡之以公有會計名亟白使權戶部侍郎實以解其言職會有詔問足食足兵之策公言今大農歲入視景德盛時什加其四而內藏激賞不與焉則賦不可以有加中外兵籍畧比

太宗定天下時而糧賜什九於他費則兵不可以更募獨有節浮侈精簡閱使官不蠹財而人皆可用則庶乎其可耳俄以集英殿脩撰知婺州時

今上初卽位公陸辭首陳裴垵對唐憲宗爲治先正其心之說以爲臨御之初出治大原無越於此

上嘉納焉未入境先詢邑宰能否去其尤罷懦不任職者人問

光緒僊居志

卷二十一

古蹟

金石止

二十二

一

其故公曰令於民最親苟非其人太守雖有愛民之心亦何自而達乎郡帑空乏軍餉不時負上供課亦以大萬計公曰是所謂無政事者也卽禁掙克減征賦窒滲漏官吏之侵漁假貸者悉置之法不一兩月而公私已告足矣常患差役不均多致爭訟欲勸民爲義役有言金華長仙鄉民十有一家自以甲乙第其產以次就役者幾廿年矣公聞之喜帥郡佐及縣長吏輿致所謂十一人者與合宴于平政堂而更其鄉曰循理里曰信義以褒異之又以鄉之前輩梅公執禮宗公澤潘公良貴鄭公剛中皆以名節才行聞當世乃自爲文以酹其墓居無何詔以公治郡有異等之效改知紹興府充兩浙東路安撫使始至



宗室子有橫於市者公致之獄宗正司遣吏索之相持訥訥公  
卽自劾以聞 詔公無罪而以宗室子屬宗正司施教刑焉  
一郡竦服會稽民貧賦重而折色爲尤甚公以

永祐菽宮在焉爲奏得視永安縣故事免支移折變邑人便之  
高麗竟遣使來公聞其至明州亟草奏申前議得卒謝遣城南  
鏡湖自東漢時瀦以溉田爲利甚廣中廢不治南豐曾舍人佐  
郡時嘗爲之圖而序之論其利病甚悉公前嗣其官讀其文而  
有志焉及來鎮守逢歲大饑

上親札命公賑救乃得奏請常平米募飢民以就其役旣成取  
凡奏請施行之語刻石湖上所以禁防者無不備然公去不一

光緒僊居志

卷二十一

古蹟

金石止

二十三

一

年守臣不能安集流徙反歸咎復湖姦民大姓利於爲田亦結  
權貴騰謗議而湖復廢矣論者惜之前敵騎渡浙江郡守以城  
降而衛士唐某抱石狙擊其酋帥不中死罵不絕口越人祠之  
歲久廢壞公爲改築宮而記其實以勸忠義除權刑部侍郎召  
對言臣自越來竊感勾踐臥薪嘗膽之意願

陛下毋恃敵之必和而益求所以自治如勾踐之爲者以俟時  
至而後圖之蔑不濟矣又言江浙大水乃陽不勝陰之咎因舉  
康澄六事爲獻遷給事中謝日

面賜金帶象簡宗室居廣祈恩過制公引前詔卻之不踰月改  
吏部侍郎會臨安守坐不能詰盜免 詔以公爲敷文閣直



學士知府事充兩浙西路安撫使命下之日部人相賀而吏屬屏氣人謝

廷中內侍省爲人求薦及以他部事爲屬者公曰吾薦章不可以求而得若某事則詣府自言吾得以法決之耳自是人莫敢干以私大奄高思聰家僮毆傷酒保公命捕論如法以徇于市宗戚貴人私營佛屋錯雜民厯藏匿姦盜吏不敢捕公奏請盡徹之由是權豪側目而執政亦不悅託以使敵復除吏部侍郎且議以龍大淵爲副公曰是可與言行事者耶語聞得罷不行而下遷禮部侍郎公力求去乃以舊職提舉江州太平興國宮始公與今退傅陳福公俱以剛直見忌于時宰至是陳公以書賀公有鴻鵠高翔之語未幾亦引去而中書舍

光緒僊居志

卷二十一

古蹟

金石止

二十四

人闔安中乘間爲

上言二臣之去非

國之福云居再歲起知太平州當塗民

淳事簡舊爲樂土而連年調發凋瘵特甚公一意拊摩常賦外一毫不以取民城樓圯壞歲調諸縣葺之民病且窮而形制衰削公命撤而新之又維舟以梁姑溪令可渡

朝命賦箋諸

郡以城兩淮公以羨財募陶旅又先事以集而民皆莫之知也歷陽築者久役潰歸聲言欲趨郡境吏民振恐公呼至城下厚犒遣之而密捕倡亂者繫獄以聞有

詔褒論二年進徽猷

閣直學士知隆興府充江南西路安撫使江南地廣多盜而大姓武斷鄉曲爲良民害公繩以法不少貸曰稂莠去然後嘉穀



蕃吾非得已也會歲大札巫覡乘間惑人禁斷醫藥天橫者眾  
公命縣賞禁絕集羣醫分井治療貧者食之全活不可計城舊  
有豫章溝比久湮塞民病塗潦公曰溝洫不通氣鬱不泄疫癘  
所由生也亟命疏濬民得爽塏以居公凡六爲郡政各因其俗  
爲寬猛實惠之可以及人者爲多事有關於教化者未嘗不以  
爲先嘗言爲邦之惠欲其有以徧於里閭唯受兩稅之輸爲不  
可以不謹故所至必擇廉吏以司之省其沿納諸費而揭其所  
不可已者於場門輸粟者使得自槩量吏無所容其巧人甚便  
之自當塗及是凡六上章乞閑不允三和陶公歸來之章以見  
意至是遂以納祿爲請乃復得太平祠官以歸實乾道之六年

光緒僊居志

卷二十一

古蹟

金石上二十五

一

也公自少卽以氣節自負爲人夷曠無城府早歲游太學人已  
自曰爲豪吳矣建炎初宗澤留守東都天下倚以自重一日士  
女傾都南下皆行哭失聲言宗公死矣公時未仕客臨安聞之  
嗚咽流涕終夕不寐作詩哭之語甚悲壯卽日傳播郵亭傳舍  
處處題寫讀者至爲感泣識者因是益以奇之自爲小官一時  
卿相名人見者無不推重歸自冊府徊翔十有八年僚友有先  
進用居廟堂者公未嘗以一言求薦引居常慷慨謂直道可必  
行而勲業可立就中間立朝多尤葬不偶又不自少貶以求合  
始浩然有歸志矣故嘗卜居其鄉石井之西負山臨湖雜蒔花  
竹築亭館其間延袤數里榜曰湖山清曠窈窕甲於里中至是



來歸遂決終焉之計乃作休休之堂而賦詩焉自謂有七宜休者連上章告老不得謝及年七十有一請愈力乃得以龍圖閣直學士致仕於是又作景疏希白之堂而自號曰湖山居士日與賓客浮舟倚杖徜徉其間酌酒賦詩竟日夕不倦如是者十有四年蓋已翛然若無意於世者而獨其愛君憂國之心未嘗一日忘也中以

太上皇帝慶壽恩推恩故侍臣加以耄老自中大夫特遷通奉大夫薨時年適八十矣娶縉雲郭氏贛州興國縣丞澠之女封碩人孝謹和懿治家有法度先公兩月卒子男五人津承議郎通判紹興府事洪宣教郎浙東提舉常平司幹辦公事沃承事

光緒僊居志

卷二十一

古蹟

金石止

二十六

一

郎簽書鎮江軍節度判官廳公事洎承奉郎永康縣丞深將仕郎女三人嫁承議郎王鏞將作監主簿陳揚善者皆先卒幼未行也孫男女二十人機從事郎樸承務郎餘皆幼曾孫男一人始公葬先大夫於石井而度其旁百許步預爲壽藏至是津等奉公以窆而碩人附焉公性至孝遭喪必廬墓側終制不交人事無墨衰經先人貲產悉推與二兄育孤女厚齎以遣之官其兄弟之子孫二人方爲義莊義冢以俟宗族之貧者而未克就尤拳拳於鄉邑遇歉歲捐己貲合公私之力以賑之無所愛好善如己出嫉惡如私仇延接後進多所成就平居嚴毅若不可犯然謙虛好問而樂其聞過不問微賤教子弟尤力嘗語之曰



若等從宦視官物當如己物視公事當如私事必不得已與其  
得罪於百姓甯得罪於上官吾平生無他長惟不敢以一毫自  
欺耳蓋其大節之見於朝廷達於四方者已卓然不可掩  
而其私行纖悉又如此自少至老手未嘗釋卷屬文不事彫刻  
而豪健峻整指意明白爲詩平淡慕樂天而渾厚莊栗又自類  
其爲人有表奏五卷詩文三十卷和陶詩三卷當塗小集湖山  
遺老傳一卷藏於家嗚呼是可已銘曰

士孰不材病氣與節方春爭華未凍先折有偉豪吳一  
世之傑睨彼權相弗媚而謁始雖偃蹇竟偶

明哲彼疏我仁大論橫發乃贊征謀乃軻還轍言雖弗

光緒僊居志卷二十一

古蹟 金石止 二十七

用時仰壯烈中去朝行偃息名都賦平役義惠達信孚  
越城之南日活萬夫思樂偃水有龜有魚天邑嚴嚴貴  
疆屏氣張旛以行孰俾吾貳公顧曰嘻是足與治于廟  
于藩姑適吾意姑溪油油惠澤春流鍾陵有莠則廩其  
秋我湖空明我竹修修我倦而歸其樂休休大耋之年  
從容委蛻循始訖終俯仰奚愧中奧之原有官其隧我  
銘不刊以篤來裔

案文見朱子全集明謝文肅並采入赤城後集題俱作龍  
圖閣直學士吳公神道碑凡四千一百四十八字無甚異  
同惟以便輿出見碑無以字便輿作藍輿吏民震恐碑作



振恐今並據校補康熙僊居志載此碑當事者為刪去二千八百七十一字至削改原文或不可說可笑人也吳芾傳詳宋史卷三百八十七亦以是碑為藍本其賜諡康肅在紹熙甲寅後此凡十一年碑為潘時書時宋史無傳寶慶會稽續志云字德郎金華人後家紹興上虞之五夫厯知興化府浙西提舉改江東提舉罷主管台州宗道觀終知太平州上虞志云字德卿卿當為郎字之譌由袁州分宜簿監兩浙運司船塢改知興化軍厯浙西提舉廣州經畧湖廣安撫除郎中改直顯謨閣結銜互有詳略據碑是時尚為湖南安撫司也碑字筆法勁整酷似歐陽率更上虞志並

光緒僊居志卷二十一 古蹟 金石止二十八

稱其文章政事篆隸楷書皆極其妙良然近王氏校印湖山集卷首載此

篇謂較墓碑文多數千餘字以為碑石大小有制過多不能全刻云云又謂時書筆法絕類柳誠懸皆因未取拓本對勘致有此誤耳

宋吳機井闌題字 刻高一尺廣一尺二寸六行前五行行五字六行七字正書徑二寸在仙居縣治河橋後

卷

從政郎縣丞

吳機同妻田

氏十乙娘發

心開井保安

身位淳熙十



六年七月二日立

案右題字同王生

欽璩

訪得之仙居志吳機字子發芾之

孫淳熙特科知興州嘉定赤城志特科不載其人名埒見

乾道五年科名父津下結銜稱朝請大夫淮南轉運判官

意其終任也考機嘉定中曾守真州取葉石林半空煙雨

之句建煙雨奇觀樓題詩其上見儀真縣志樓鑰攻媿集

朝請大夫吳公津并姚碩人墓誌銘云男四人機朝請郎

知吉州軍州事又云吉州以作邑有聲連歲進擢以至大

郡是則機之文章政事可謂不墜其家聲者矣

宋吳芾賜謚敕牒碑

碑高一丈一尺三寸廣五尺八寸額隸書賜謚制書四字二行徑五寸刻分六列首

光緒僊民志

卷二十一

古蹟 金石止二十九

一

列至三列列二十五行四列前半十三行行十七八九字不  
等並敕文行書徑六分四列後半八行五列十三行並牒文  
及押敕結銜行字不等牒文行書結銜正書大小不等六列  
跋二十九行行十九字正書徑七分在仙居縣南鄉后里吳

勅□□□吏部狀承紹熙元年二月二十八日勅為吳芾定

謚事今具下項一檢准條□請指揮誌謚光祿大夫節□□以

上本家不以葬前後錄行狀三本申所屬□奏其各□□□

或本家不願請謚者□□□□□□□聲聞顯著雖無

官爵聽所屬奏賜□□三年四月十五日勅三省同奉

聖旨今後王公及職事官三品以上法應得謚并勲德節義聲

實彰著不以官品特命謚者並先經有司議定申中書門下省

具奏取



旨依舊制更不合詞止備坐所議給告吏部牒本家照會一承

紹熙元年二月二十八日勅尚書省送到吏部狀准批下台州

□授朝請郎新權發遣江陰軍吳津等狀先父芾昨在禮侍部

郎次蒙許字任滿引年陳乞致仕許字致仕□遇

高宗皇帝膺典以曾□□□□夫續上遺□贈光祿大夫

再贈少保伏念津先父蚤以孤忠繼遇□□□□徧歷從

班□□論思備著風節陟牙郡□政績有聞致事引年卒全出

處不幸淹忽遂棄明時本家已於去年十二月經台州使乞

條保奏已蒙本州備奏并繳行狀三本申尚書吏部蒙朝廷送

下省部關太常寺勘當繼□省部及太常寺已行勘當合該定

光緒僊居志卷二十一 古蹟 金石上 三十一

謚□緣右第一列本州告下本家別行繳奏今再錄先父行狀□見

到乞繳連保奏定謚施行州司保明是實伏候

勅旨承批送□□□申尚書省尋行下太常寺指定去後據

太常寺申稱□准省部符准都省批下台州奏吳津乞父芾定

謚并繳連行狀三本符□指定本寺今將連到行狀內照得本

官係贈光祿大夫今指定依條例係初贈光祿大夫合該定謚

伏乞省部備申朝廷□□合狀并奏狀一束送吏部行下本寺

定謚施行本部今勘當欲從太常寺指定到事理施行伏乞朝

廷批送合狀下部行下太常寺擬謚施行伏候

指揮二月二十八日三省同奉



聖旨今依照定謚奉勅如右牒到奉行前批二月二十九日巳  
時付吏部施行仍關合屬去處一本部尋行下太常寺議謚去  
後今據本寺申繳到奉議郎太常博士陳棟撰到謚文議曰君  
子之學邇之治身遠之臨民非二本也○律己貴嚴而待人貴  
○一者若不相合而合者或鮮焉若夫寬裕溫柔足以有容而  
發彊剛毅足以有執○民者溫乎其可親而處乎身者凜乎  
其不可奪斯非君子之盛德哉故龍圖閣直學士贈光祿大夫  
給事吳公自初試吏至持從橐雖中外更立而民庸特箸三爲  
貳車六縮郡章皆隨其民俗卓有治効若枯蒼之減丁稅婆女  
之○役開紹興之湖以安○徒濬豫章之溝以○右第  
二列

光緒僊居志

卷二十一

古蹟

金石止

三十一

所至而民蒙其利既去而民懷其德藹然有古循良之風蓋茲  
祥懽怛出○天性而學道愛人則其素志也然公之所以自處  
者則異是焉秦氏用事勢傾一時公雅有舊故獨退然若不相  
識卒坐是罷而公不悔也流落遠○二十年雖同僚厚善若  
湯公思退王公綸○○用未嘗以書求進紹興末年○○登  
烏○○首犯盟邊事暴起公慷慨論議不畏間言隆興遣使  
乃以輔行非人形之詩語卒免于役蓋避汗遠利掉臂疾趨若  
將浼焉者至於引年退休傲睨軒冕築室湖山自比疏白殆有  
世累所不得留者矣故自其臨民觀之若無預於立身之大節  
自其處身觀之若無有於及民之惠政而內外兼舉漸數幸致



而然哉按口謚法保民安樂之爲康執心決斷之爲肅合二字以易名庶幾其稱請謚曰康肅謹議一本部請考功郎中覆謚去後今承朝散大夫軍器少監兼實錄院檢討官兼權考功郎官黃口覆謚議曰郡縣之才多闡位遠猶口口口口口口口口吏事若夫迭更出入咸有可紀非天資高遠者能之乎故龍圖閣直學士贈光祿大夫給事吳公方爲尉卽不屈懼於地官捕鹽之政令其恤民之志立矣後爲別乘爲守爲帥規摹開闢具有本末劾宗子之恣折內侍之請毀徹臨安城內外猾僧之區而江南大姓害鄉曲者悉繩以法專厲果敢無所右第十餘字無告極意拊摩口孜孜功利口口能口輕賦役口貧病脩廢墜前後

所至外庸茂焉及在朝廷忠懇堅正逆亮送死淮南時論多嚮休兵公曰當進隆興初政恢復之謀方銳公曰宜自治屯所陳無不明切當弊源者且非特議論不阿若此也既不屈意秦氏甘口遠外後有攀附舊臣將介公使虜竟不肯與言行事從容引退當時名流口口口口操守尚矣自其爲政寬嚴適節實惠且孚也非保民樂安乎自其立朝正直自將大節無缺也非執心決斷乎康肅以謚公蓋取行實之大者又以表公中外之具宜也博士議是今來本官合出告伏候指揮二月六日三省同奉

聖旨依



奉

勅如右牒到奉行

二奉字字徑二寸勅字徑二寸五分餘徑一寸二分俱行書

紹熙五年二月六日

行書一行字徑一寸四分連印尚書吏部口口之印凡四每徑二寸五分

尚書吏部

故在龍圖閣直學士通奉大夫致仕臨海郡開國公食邑二千

四百戶食實封壹伯戶贈少師吳芾

正書四行字徑一寸連印尚書吏部口口之印凡四

行其一 右第  
十六印 四列

牒奉

勅宜賜諡曰康肅牒至准

勅故牒

右行書三行牒奉二字徑二寸二勅字徑二寸五分餘徑一寸五分

光緒僊居志

卷二十一

古蹟 金石止 三十三

紹熙五年口月口口日

行書一行字徑一寸連印尚書吏部口口之印共四印

令史滕文口

主事任公明

員外郎兼權葉

考功郎中口

侍郎闕

行闕  
搨失

新除侍郎朱

未上

兵部尚書兼尚書羅

押

新除尚書鄭

押 右正書九行字  
徑一寸六分

右第  
五列



先公少師葬之明年諸孤請易名于朝詔下博士考功議

賜謚康肅諸孤祇承告于墓下將鑿諸石不幸伯氏津二弟洎深卽世遲叙奠末識之左方洪等□念先公平生大節唯以企慕古人爲心忠□□形于愛君憂

國者自韋布時已挺挺不詭隨爲太學□□人以豪吳稱之二聖北狩先公有中秋對月憶

君□之詩聞者許以忠義少君宗公澤有時望慷慨恢復賈志而歿先公哭之哀作詩數百言人尤傳誦初尉樂城秦丞相在

光緒僊居志

卷二十一

古蹟

金石上

三十四

一

永嘉時與遊從逮厯館閣而秦方枋用先公獨退嘿若素昧然竟以□□者三十年紹興之季歲始由言路上從班□□□淵鼎貴又與陳公俊卿避而遠之一時□□語得士者必□陳吳凡所上奏鯁直危切大要以脩身正心敬天仁民爲本至于趣

視師以力進討留

駐蹕以勵諸將表節義以振風俗前後所論切中事機雖觸上下之忌諱犯臣子之難言而忠義□激不暇身謀蓋得於天性不可渝者如此若迺立功藩績幾淡吳楚此人皆知之其出處終始□□大常考功之議洪等又以聞諸侍旁者因紀其實申



詔後昆咸勉于以奮毋負義方以歸報

上賜焉嘉泰三年三月口日男朝請郎通判紹興軍府兼管內

勸農事賜緋魚袋沃奉直大夫前知紹興軍府事兼管內勸農

使仙居縣開國男食五百戶洪敬誌

右第六列

案吳芾賜謚康肅在紹熙五年下距嘉泰三年立碑凡九

年押勅結銜以史證之今可攷者兵部尙書兼尙書羅者

羅點也新除尙書鄭者鄭僑也陸放翁老學庵筆記云自

唐至本朝中書門下出勅勅字皆平正渾厚元豐後勅出

尙書省亦然蔡京臨平寺額作險勁體來長而力短省吏

始效之謂司空勅亦曰蔡京勅令觀此牒正其體

光緒僊居志卷二十一 古蹟 金石止 三十五

宋僊居縣進士續題名碑 碑高一丈廣四尺三寸額隸書開禧

續題名五字一行徑六寸刻分五刻  
上列記文二十二行行十二字隸書徑一寸七分下四列列  
三十一行並題名正書徑七分在仙居縣學宮櫺星門外

開禧元年

上親策天下太倉人有自太學冠乙科者由右庠聯高第者特

奏名有補文學者魁武舉者鄉黨賀其父兄得人爲盛縣學舊

題名起政蘇訖嘉泰兩科及推恩刻石垂盡乃續新碑諸君子

始手筆隱然唐鴈塔氣象夫家有塾而至于國有學其教育深

矣秀杰而升之至於進士之賢者而官爵之其論定精矣記姓

名於鄉校以驚師友又著其昆弟子孫以尊世家於崇化厲材

豈曰小補 惟茲邑尋台嶽之神秀被慶霄之輪囷世載其英



譽髦斯本深衣之爲文爲武爲如大雅之峨璋烝楫由此其選將興

宋無極爲九月初吉奉議郎知僊居縣岐國趙汝達右第並事郎縣丞龍工縲仁迪功郎縣尉兼主簿會稽楊拱辰一列

開禧元年毛自知榜  
第二甲第一人

梅廷瑞

武舉鄭公侃榜

第七人

鄭 鎔

光緒僊居志四卷二十一古蹟 金石出 三十六

第九人

王孫貴孫震之弟

特奏名陳思勝

陳 穎第三等

陳 洪第四等

金 逵

武舉特奏名第一人

胡 謙

嘉定元年鄭自誠榜

吳 煥第三甲



武舉周師銳勝

王 樵 若之猶子

嘉定四年趙建大勝

林 仍 第四甲

陳作新 第四甲  
上舍

嘉定七年袁甫勝

郭磊卿 第二甲迪功郎  
晞宗之子

趙時著 第四甲  
翰夫之子

李 衛 第五甲

武舉劉必萬勝

光緒僊居志 卷二十一 古蹟 金石出 三十七

葉 菴 上舍

陳清卿 丙舍

武舉特奏名

吳 躍

□時中 右第  
二列

嘉定十年

特奏名

湯廷俊 第四等

陳次新

武舉朱嗣宗勝



鄭堅

李周

蔣叔虎 上舍

嘉定十三年劉渭榜

葉秀發 第三甲

特奏名

吳洋 第口等

姜應龍

武舉陳正大榜

陳正大 第一人上舍  
清卿之弟

光緒僊居志 卷二十一

古蹟金石出三十八

郭用中 上舍  
明卿之子

范祖筠

嘉定十六年蔣重珍榜

顧周卿 第二甲

特奏名

呂咸

武舉杜幼節榜

陳寵

陳庭蘭 上舍

游立節



高申甫 丙舍

嘉定十七年以前特奏名該遇

覃恩

楊煥然 光之子

寶慶二年王會龍榜

吳梅卿 右第  
三列

寶慶二年王會龍榜

趙時觀 第三甲宗子  
翰夫之子

趙必升 第三甲

郭存中 第五甲  
晞宗之孫

光緒僊居志 卷二十一 古蹟 金石土 三十九

武舉楊必高榜

柳日新

周阜

吳雷煥

紹定二年黃朴榜

沈宗文 第三甲  
上舍

蔡朴 第四甲

周企 第五甲

武舉焦煥炎榜

陳巽 穎之猶子



吳 卓

鄭守信

特科繆蟾榜

吳夢飛 第二等

吳嗣亮 第四等

顧 蠟 第四等  
牧之子

陶季冶 第四等

顧如川 第五等

王 簡 第五等

紹定五年徐元杰榜

光緒僊居志 卷二十一 古蹟 金石土 四十一

朱 浦 第四甲

武舉林夢新榜

蔣仲虎

張一飛

王孫秦 上舍孫貴之弟  
孫震孫貴之弟

端平二年吳叔告榜

鄭雄飛 第二甲 右第  
四列

吳 諒 第五甲  
梅卿之子

特奏名王聲叔榜

方一新 第二等

案此六字補刻略細



陳夢祥 第四等

楊夢周 第四等

武舉朱熠勝

陳元衡 上舍

武舉特奏名

周允武 上舍

嘉熙二年

特奏名王宗合勝

陳薰 第一等

吳應高 第四等  
煥之弟

光緒僊居志 卷二十一

古蹟 金石 四十一

武舉劉必成勝

王孫英 上舍  
智夫之子

夏天益

淳祐元年徐儼夫勝

周彧 第四甲

鮑雷 第五甲

武舉趙國華勝

顧天錫 上舍

陳一飛 寵之弟

戴希賢 上舍



清祐四年雷夢炎榜

吳堅第四甲  
煥之子

武舉□□□榜

胡寬

陳俊德右第  
五列

案嘉定赤城志嘉定元年榜邑渙譌吳煥七年特奏名失

錄武舉□時中十年特奏名失錄陳次新十六年特奏名

失錄呂咸赤城新志始寶慶二年其年有趙煉縣志作  
若煉而

失錄吳梅卿紹定二年沈宗文譌范宗文而特奏名自嘉

定十七年楊煥然以下新志皆略不書武科惟載紹定五

光緒僊居志卷二十一古蹟金石上四十二

年榜陳巽及題名三碑寶祐四年榜楊茂春二人增列進

內是其失也康熙僊居志雖據學碑然多譌奪兼之增會

家牒頗難徵信微此碑幾有名氏翳如之歎碑第五列清

祐四年四行字漫滅有斧痕而三碑即始清祐四年意當

時議者以吳丞相堅既貴欲為三碑題名之冠故去此刻

彼耳僊居志趙汝達嘉泰四年任繆景仁嘉泰二年任楊

拱辰慶元三年任攷拱辰登慶元三年進士第見紹興府

學題名碑是碑立於開禧元年九月尙署楊名可證志誤

宋狀元里三大字碑碑高五尺廣二尺七寸隸書狀元里三大  
字字徑二尺小字二行左右旁寫正書徑

二寸在仙居  
縣昇平鄉



宋開禧元年乙丑科

狀元里

殿試一甲第一人

胡謙立

案碑今移植櫟溪胡氏宗祠光緒庚辰冬仙居王澂軒

鎮

藩搨寄嘉定赤城志狀元里在仙居縣郭東西昇平鄉舊

名安仁開禧元年令趙汝達以胡謙魁特科改今名碑隸

法絕佳惟不署書人名氏攷仙居進士續題名碑開禧元

年趙汝達記并隸書與此筆法絕相類是碑當亦汝達手

筆也

宋郭晞宗墓碑

碑高一丈四尺廣六尺額篆書宋故瓊管安撫提舉郭公墓銘十二字四行直徑六寸三十八

光緒隱居志

卷二十一

古蹟

金石上四十三

一

行行七十四五六七字正書微行率九分在仙居縣南蓮塘山

宋故瓊管安撫提舉郭公墓誌銘

宋故瓊管安撫提舉郭公墓誌銘

觀文殿學士金紫光祿大夫知建康軍府事兼管內勸

農使充江南東路安撫使馬步軍都總管兼營田使兼

行宮留守兼江淮制置大使縉雲郡開國公食邑七千

六百戶食實封貳仟伍伯戶 何澹 撰并書

中大夫同知樞密院事兼太子賓客烏程縣開國男

食邑五百戶食實封貳伯戶章良能 篆蓋

嘉泰四年十月晦故瓊管安撫郭公卒于泉南市舶之官舍開



禧元年十二月□□葬于台州仙居縣昇平鄉蓮塘山之原葬  
四年其孤森卿等謁銘于栝蒼何澹惟公生平居鄉以鉅人長  
者名居官以廉能著生而知公之賢者在人沒而狀公之行者  
有實徵澹其不傳遠抑又豈敢如能言者比辭不可則執筆以  
志公名晞宗字宗之世有爲永安鎮都監者因家焉鎮後升縣  
名仙居曾祖橫祖欽咸有隱德父仲珉爲承務郎致仕累贈朝  
請大夫妣胡氏呂氏皆贈宜人公幼穎悟與兄從馳聲鄉里受  
經於檢正陳公庸從游於給事康肅吳公芾紹興軍興之際入  
貲賜爵得視在子□卿蘇公謬時爲令初公大父欲以一孫應  
詔公兄弟相遜未決會兄入成均公乃拜官累上計偕登戊戌  
光緒僊居志卷二十一 古蹟 金石上四十四

進士第主處州松陽簿紹興司法參軍教授郢州松陽賦籍不  
理吏掾爲姦令朝夕懼譴幸公之至曰願以催科相累公曰簿  
職也爲糾其弊民始樂輸然視籍尚多僞一田有載江侍郎者  
問其貫與子若孫吏漫不省公曰此卽亡是公也吏叩頭請具  
疏如實乃鑰而整之民數詣郡臺頌公清□部使者芮公輝循  
行色□言寡獨謂公曰此方民甚相德其益□□乎會諸大府  
梗于訟公畱神議讞吏不能舞法帥參李公彥穎期以遠到又  
嘉其謹敏倉廩出納悉委焉郢學久不競公獎借成就不遺寸  
善四方秀士聞風請益東西合六郡□□郢預數者系□士  
人謂作□□□漕帥□□面□薦牘不旬月得判回與今莆守



張公聲道爲代張以公垂成願領新漕顏公度至公曰仕進有命□□蒙□□推薦□□□兩□之閱兩月漕至以公首薦次亦及張公到選僅撥□末復有後公至者自詣公所□相親欲□潛賄吏躡進公不逆詐具厚遇之同班不平謂公

□□□□□□□□人竟先逕籍該恩進私□不敢吾□父亦未嘗語人也既脫選知信陽軍信陽縣縣多曠土各以力自占主客交爭時至公府公明約示□俾各安業□□□□縣賦於民□藝有紙坊油戶薑園漆林下及樵薪窰炭公欲盡捐之吏曰此以備州家不時之需恐自遺患公曰州知其無則不我須我亦可藉口矣

光緒僊居志

卷二十一

古蹟

金石上四十五

一

亟聞郡罷之累□有滯訟數十公悉裁以理法囁者不已部使者□按閱視□□□不爲□自是幾無訟異時人多避役公惠而不苛爭越次以□曰官今恤我且其費視昔僅什一我不可失縣序廢已久公曰信陽古申伯國遺風獨不可興起乎相基義陽山之址築宮百楹凡之學事備焉譚經攷藝衿佩濟濟今□□薛公叔似爲漕以□□薦又移公于郡曰陽邑有賢令宜咨以郡政信陽有三關屏蔽□□□城距淮西千里越在三關之外安陸兵將密啟帥樞王公蘭言信陽有沿淮山路十三所宜植木斷塞帥亟下其議公指陳利害曰淮出桐柏環縣二百里源淺皆可渡獨城北山延袤林翳居民出入實諸水路總



會之地可守者五其一則皇甫倜紹興奏捷地也宜做三關置  
備內設三關表以五險則安陸益固且不置信陽于度外帥是  
其議將行竟沮識者惜之縣頃多盜有踰淮劫之者者  
既伏辜獨逸其魁潛出爲患公募土豪□□□□□□□□  
□□□□□□盜發警徧里社邊衅以安先有土豪繫數盜  
過信陽意欲詐欺別佚盜曰是嘗匿汝乎盜曰然輒榜掠其人  
得金帛始釋去公亟遣捕□越□□書光□□□□□□之  
□□□□械界公所豪預賂州縣吏至則囚辭舛異公使至縣  
圍凡彼擾者皆係囚坐自羊立伏獄吏易置之囚計窮引伏卒  
從黥竄他日公子弟還里井其抵一鼻□□引土豪□不敢大

□夜叩他人門戶有以信陽令子弟告者一翁啟關迎謂曰上  
縣長官□□□長官亡恙乎孰能移長官以治茲土秩滿得處  
州通判善處事悉力裨贊守貳無意疑問甚諸司所下榜訴一  
見盡得其情索紙疾書明而卒歸于恕老胥旁觀心服股栗旁  
郡士夫有假道者必求見公爲言息其爭甯某族伸某冤皆公  
賜枯人至今推賢倅亦以公爲首給事汪公義端借備司判張  
中書韓禮□□尙書趙公善堅亦□得

旨陞擢公願□郡議營道丞相京公鏗□簽知院張公巖時□  
言路謂公稔□□善狀使倅皆如君郡安得疵政  
陞辭論奏社倉義役有名無實之□壘壘千百言



上嘉納春陵地福民貧公一意摩撫不肯迫急有元次山之風  
□□□□供特□□□□獨遇僚屬加厚秋苗斛面之入舊例  
倍蕪公議捐之官吏交曰不可公曰如吾心愧何乃□□□令  
民自槩酒權市征唯禁太甚人知公約己利民咸言官酷有額  
而民多以私釀被擾郡嘗改爲萬戶其該納之鹽戶故行不久  
請家自醞而□林是征公曰吾惟取民便耳言所征纔及□□  
□□闔郡呼舞公去猶相率詣外臺請毋□公盡葦年政平訟  
理治行爲湖湘最外臺上其績適感微疾力丐祠除提舉福建  
市舶公喜得遂次歸休里閨終焉之志會而虛使命有

旨遞行親故更勸勉就道舶司積弊公正身媿下究弊緣□□

光緒僊居志

卷二十一

古蹟

金石上四十七

一

□□□去盡而人弗怨島夷聞風來者銜尾今同知章公良能  
時爲泉守嘗謂公清如水玉留衛公尤敬歎居無何疾復作銳  
意求閑□□乃丐謝事□□□□遂拜瓊管安撫之命將行  
以不起聞病革呼羣吏戒以公家事不及私徐以後事付家人  
誨子弟以忠孝廉謹屬續一語不亂畧言平日爲善得吉報而  
瞑年六十有九□□蠻舶□□□□□□羅邑智力才等  
數十人□頓庭下晝夜然異香縵巾以拜夷音颯唳磨之不去  
喪車所過哀慘鄉之父老迎哭絡繹初娶宜人顧氏先公卒繼  
室封宜人鄭氏五子森卿儒林郎新廣德軍節度推官明卿廸  
功郎新太平州州學教授出繼伯兄後次珪卿嘉卿珪卿該遺



澤兄弟相遜卒與其季弟迪功郎新温州永嘉縣主簿磊卿一  
門雍陸皆公義方及以身率所致女四人進士陳拱漕貢進士  
顧如川朝奉郎新通判建甯府事謝渠伯通直郎主管南外睦  
宗院何處禮皆其壻也孫四人存中嘗預漕薦誠中宜中自中  
女一人曾孫男女四人公心平行絜誠實不欺嗜學至老不倦  
□賢□必虛□□人接物謙和與人周備見者□□然亦時出  
仁人之勇親舊有過必面折無隱是非曲直一言爲定退無敢  
怨鄉黨翕然謂公乃今人之古歲嘗大祿郡邑講平勝之政請  
公總其事□□廩爲倡其樂施蓋天性尤恬進取先人後己□  
□□軋政地多有連若可攀援而公益退避自甘遠外故所施

設不大暴白當官惟先律已饋遺出公帑者必還以歸之爲文  
根據理義敷暢事情專務巉刻詩恬情壯膽愛黃陳句律有郢  
中稟五卷義陽稟三卷滂齋稟六卷教子嚴甚蓄圖籍之師友  
時往參焉講畫警厲以故拾世科與計偕一門競秀流風未艾  
澹次子獲同子姓而於公則接壤知賢名□□□又知人言之  
不□□之□□也澹適假守三山見公貌不衰其丐閑也書疏  
在復見公筆力尚健方爲泉人勉留而生死隔矣嗚呼公乎其  
去而仙乎抑如白傅之歸兜率乎銘曰

善足名里 馬少游之處世 仕而知止 邴蔓容之  
爲吏 躬實自厚 人不求備 不肥乎人 甯瘠諸



己 終身安行 匪激匪利 人爵弗訓 天報有地

子子孫孫 尚承遺祉

括蒼桑梓刊

案碑首有穿高廣與吳康肅墓碑相等文為何知院澹字

然龍泉人撰共三千四百六字無一斷損書法亦秀整可

愛洵足寶貴今闕處乃初搨時苔未盡剔也康熙仙居志

載此誌刪存七百二十二字殊為漏略碑云葬四年其孤

森卿等謁銘於澹以史證之當嘉定二年其年正月章良

能同知樞密院事與碑篆蓋結銜合碑當立於是年良能

宋史無傳宋詩紀事云字達知麗水人居吳興淳熙五年

進士終參知政事碑又云上世有為永安鎮都監者因家

光緒僊居志

卷二十一 古蹟 金石上 四十九

焉檢郭氏譜郭仲斌字文光東陽人五代時仕永安鎮都

監其八世祖也又云鎮後升縣名仙居樂史太平寰宇記

引輿地志云晉穆帝永和三年分始豐南鄉置樂安縣屬

臨海郡尋廢新唐書地理志樂安上武德四年析臨海置

八年省高宗上元二年復置嘉定赤城志吳越寶正五年

當後唐長改樂安為永安國朝景德四年改永安為仙居

與元年縣志云四月二十日王無鎮升為縣之文誌蓋據家狀未

溫縣志云昇詔改今名及詳攷地志也譜云曾祖文櫃祖鉗皆當以此碑刊正晞

宗兩兄長禹功次禹敷禹敷名從以字行乾道四年補太

學生即碑所謂兄入成均者戊戌為淳熙五年時晞宗年



已四十三時已授官迪功郎蘇謬見赤城志仙

居令題名紹興二十三年任薛叔似字象先永嘉人王蘭

字謙仲廬江人京鏗字仲遠豫章人張巖字肖翁大梁人

宋史俱有傳李彥穎見宋史孝宗本紀汪義端見甯宗本

紀芮輝趙善堅見宋詩紀事顏度乾道中曾令臨海有惠

政臨海寶藏寺寶藏二大字碑是其所書稱蘇臺顏度著

錄見前晞宗五子惟明卿磊卿見赤城志科名余并為攷

得之森卿字子實號穀齋兩舉進士於漕曾以宣教郎知

崇陽縣校刊張乖厓集并為撰序終通判夔州有穀齋集

明卿字子肅號潛齋嘉泰二年進士終宣教郎湖廣總領

光緒僊居志卷二十一 古蹟 金石上 五十一

所幹官垚卿字子原號盤澗紹定中以承信郎監饒州回

部贍軍酒庫終浙東兵馬副都監本州駐劄有盤澗集嘉

卿見後淳祐六年勅賜繼一處士告詞磊卿字子奇號兌

齋嘉定七年進士終寶章閣待制謚正肅祀鄉賢著兌齋

集陳拱譜譌琪顧如川仙居人紹定二年進士謝渠伯譜

譌謝渠字元石號南山臨海人丞相深甫次子仕至朝請

大夫通判澧州主管建昌府仙都觀女為理宗后府志以

非女封太師追封衛王謚恭簡何處禮即誌所稱澹次子獲

同子姓者存中森卿字字道甫號西軒寶慶二年進士終

宣茂郎江西安撫司自中嘉卿字字有甫號蘭塢終朝請



大夫軍器監康熙府志書目載晞宗著有漫齋稟而遺其  
郢中義陽二稟此誌之足以補志之闕者又不一而足矣

光緒僊居志

卷二十一

古蹟 金石 五十一

一



